



Broj: 46 0 Su 080785 18 Su 2

Datum: 15.02.2018 godine

Shodno odredbama člana 8. Pravilnika o unutrašnjem sudskom poslovanju („Službeni glasnik BiH“, broj: 66/12) a s ciljem osiguranja najvišeg kvaliteta sudske zaštite, ostvarivanja načela slobodnog pristupa sudu, jednakopravnosti učesnika u sudskim postupcima i poštivanja načela ostvarivanja sudske zaštite u razumnom roku suđenja, predsjednica Općinskog suda u Bugojnu, dana 15.02.2018 god. donijela je

PROGRAM RADA Općinskog suda u Bugojnu za 2018. godinu

Uvod

Program proizilazi iz stvarne i mjesne nadležnosti ovog suda utvrđene Zakonom o sudovima u F BiH („Službene novine Federacije Bosne i Hercegovine“, broj: 38/05, 22/06, 63/10, 72/10, 7/13 i 52/14) i istim se predviđa zakonito, efikasno, blagovremeno i kvalitetno obavljanje poslova iz nadležnosti ovog suda.

Ovaj program rada urađen je nakon Izvještaja o radu suda za 2017. godinu prema kojem je u sudu na dan 31.12.2017. godine ostalo neriješeno ukupno 18.246 predmeta.

Osnovni dio programa

I

Na dan 31.12.2017. godine u sudu je ostalo 18.246 neriješenih predmeta, na taj dan zaposleno je 11 sudija (uključujući i predsjednika suda) i 2 stručna saradnika.

Od 17.04.2017. godine, jedan stručni saradnik ovog suda je imenovan na dužnost tužioca u Tužilaštvo SBK. Dana 21.07.2017. godine, jednom sudiji ovog suda je prestao radni odnos radi odlaska u starosnu penziju.

Dana 01.11.2017. godine, počeo je sa radom novoimenovani sudija, a od dana 01.12.2017. godine, na dužnost je stupio i novoimenovani stručni saradnik ovog suda, tako da od tog datuma u sudu ponovo radi 11 sudija i 2 stručna saradnika.

Sud će u 2018. godini svoju sudijsku funkciju ostvarivati kroz organizacionu jedinicu Sektor sudija i sudskih stručnih saradnika u okviru koje su shodno Pravilniku o unutrašnjoj organizaciji i sistematizaciji radnih mjesta Općinskog suda u Bugojnu osnovana sudska odjeljenja i to:

- građansko odjeljenje u okviru kojeg se obavljaju poslovi parničnog, vanparničnog i izvršnog referata i krivično-prekršajno odjeljenje u okviru kojeg se obavljaju poslovi krivičnog i prekršajnog referata.

Smatramo da sa postojećim brojem sudija i stručnih saradnika možemo rješavati otvorene predmete.

Kad su u pitanju službenici suda na početku 2018. godine, zaposleno je 40 službenika suda (5 državnih službenika, 35 namještenika), 1 sudski pripravnik i 3 lica na stručnom osposobljavanju bez zasnivanja radnog odnosa, ovog suda kao i 1 lice Ministarstva pravosuđa i uprave SBK koji je

ustupljen ovom sudu na stručno osposobljavanje bez zasnivanja radnog odnosa. Kad su u pitanju službenici suda, upražnjeno je 7 radnih mjesta.

Pravilnikom o unutrašnjoj organizaciji i sistematizaciji radnih mjesta u Općinskom sudu je predviđeno: 7 radnih mjesta državnih službenika, 41 namještenik tj. ukupno 48 službenika suda te 1 pripravnik i 10 lica na stručno osposobljavanje bez zasnivanja radnog odnosa, tako da je predviđen ukupan broj od 67 zaposlenih (sa sudijama i sudskim stručnim saradnicima) i 10 volontera, ukupno 77.

U toku 2017. godine sud je uspio ostvariti kolektivnu normu od 113,46 % i realizaciju Plana rješavanja predmeta za 2017 god. u iznosu od 86,93 %.

II

Program rada izrađen je i u odnosu na raspoloživa sredstva za rad suda utvrđen budžetom suda za 2018. godinu.

Odobreno je za 2018. godinu ukupno	1 986. 200,00 KM i to za:
-Plaće i naknade troškova zaposlenih	1 395.900,00 KM
-Doprinosi poslodavca	129.400,00 KM
-Izdaci za materijal, sitan inventar i usluge	460.900,00 KM

Kada se ovi iznosi uporede sa našim zahtjevom Budžeta za 2018 godinu, urađenom po Instrukcijama VSTV BIH, u ukupnom iznosu od 2 675.434,00 KM odobreno je znatno manje sredstava za rad suda u 2018 god.

S tim u vezi za očekivati je da će sud tokom godine tražiti dodatna novčana sredstva za uspješno funkcionisanje suda.

III

Saglasno Planu rješavanja predmeta za 2018. godinu, tokom cijele godine sudije i stručni saradnici rješavat će predmete iz Plana poštujući starost inicijalnog akta, kao i predmete koji nisu obuhvaćeni planom ali su hitne prirode.

IV

Saglasno obavezama iz Pravilnika o unutrašnjem sudskom poslovanju („Sl.gl.BiH“ br. 62/12) sud će tokom cijele godine pratiti vlastitu sudsku praksu i praksu drugih sudova i tako je ujednačavati te dostizati maksimalan kvalitet svoga rada. Ove aktivnosti provodiće se kroz odvojene ili zajedničke sjednice parničnog i krivično-prekršajnog odjeljenja, te prezentovanjem vlastitih odluka (presuda i rješenja) od strane svih sudija drugim sudijama.

V

Naročitu pažnju svi službenici suda i svi nosioci pravosudnih funkcija posvetit će svim sudskim strankama (tužiteljima, tuženima, punomoćnicima i ostalim) tako što će kroz svaki pismeni ili usmeni kontakt po mogućnosti odmah davati sve potrebne i potpune informacije u skladu sa važećim propisima. Posebno će se insistirati na poštovanju kodeksa sudijske etike, etičkog kodeksa namještenika i državnih službenika, te pravilnika o kućnom redu.

STRATEŠKI CILJEVI

1). Krivično-prekršajno odjeljenje

Uz očekivani priliv predmeta ovog odjeljenja od 3000, (u 2017. godini bilo ih je primljeno 771 krivični i 1953 prekršajnih predmeta, a ukupno je riješeno 838 svih vrsta krivičnih predmeta uključujući IKS predmete a prekršajnih 1746 uključujući IPS predmete), ovim Programom planira se da će ovo odjeljenje riješiti oko 3.000 svih vrsta predmeta ovog referata.

Hitni predmeti će se rješavati bez odlaganja, u skladu sa zakonskim rokovima.

„Kps“ predmetima će se davati prioritet tako da će se o potvrđivanju optužnica odlučivati u zakonom propisanom roku,

„K“ predmeti će se rješavati u skladu sa Planom rješavanja predmeta,

„Pr“ predmeti će se rješavati u skladu sa Planom rješavanja predmeta vodeći računa rokovima zastare,

Na „K“ referatu će biti angažovano 4 sudije, te 1 sudija kao sudija za maloljetnike,

Na „Pr“ referatu će biti angažovano 3 sudije,

Planira se da će se shodno članu 14. Zakona o krivičnom postupku F BiH („Sluzbene novine FBiH“, broj: 35/03,37/03, 56/03,78/04,28/05, 55/06,27/07,53/07, 9/09,12/10, 8/13 i 59/14)), krivični postupak provoditi bez odugovlačenja i u najkraćem razumnom roku.

Što se tiče poštivanja zakonskih rokova u predmetima krivičnog odjeljenja, koji se odnose na dostavljanje optužnih akata, potvrđivanja optužnice, zakazivanje glavnih pretresa, određivanja i produženja pritvora, izjašnjenja o krivnji, kao i drugih zakonom propisanih rokova, nastojati da se svi rokovi ispoštuju, kao i rokovi za izradu K i Kps presuda. Kroz analizu mjesečnih izvještaja o radu redovno će se pratiti da li se poštuju zakonski rokovi za poduzimanje pojedinih radnji u predmetima .

Gdje god je to moguće neophodno je smanjiti broj odlaganja glavnih pretresa, a posebno u složenim predmetima , a posebno, ne odlagati ih na neodređeno vrijeme.

Blagovremeno poduzimati zakonom predviđene radnje kako ne bi nastupila zastara krivičnog gonjenja, ili zastara izvršenja krivičnih sankcija.

Predsjednik suda će rješavati IKS predmete u skladu sa zakonom. Iks referat će biti rješavan u skladu sa zakonskim mogućnostima za izvršenje krivičnih sankcija tako da će biti omogućeno da kazna bude izvršena i kao rad za opće dobro na slobodi u skladu sa Pravilnikom o radu za opće dobro na slobodi ukoliko Ministarstvo pravde bude donijelo provedbene akte, te kao kućni zatvor sa elektronskim nadzorom u skladu sa čl. 43 c KZFBiH, sve u cilju rasterećenja zatvorskih ustanova i pravovremenog izvršenja izrečenih krivičnih sankcija.

2). Parnično odjeljenje

koje uključuje i izvršni i vanparnični referat bit će angažovano 9 sudija i stručnih saradnika.

Parnični referat je započeo je 2018. godinu sa neriješenih 1451 predmet, a u 2017 godini, riješeno je ukupno 1054 predmeta.

Svi hitni predmeti rješavat će se u skladu sa zakonskim rokovima.

Tužbe kod P predmeta će se bez odlaganja slati na odgovor.

Sve sudije su u obavezi postupati po predmetima poštujući starost inicijalog akta i Plan rješavanja predmeta.

Premostit će se godišnji nedostatak 1 stručnog saradnika i 1 sutkinje radi odlaska na porodiljsko odsustvo.

I dalje će sud učiniti sve što je u skladu sa pozitivnim propisima moguće kako bi sudske takse bile plaćene.

Izvršni referat

Ovaj referat započeo je 2018. godinu sa neriješenih 11435 predmeta, a u 2017 godini je riješeno ukupno 3678 predmeta. Na ovom referatu radit će 6 sudija i 2 stručna saradnika (uz i druge referate). Od sudija zaduženih za ovaj referat se očekuje da će uspjeti riješiti više od 4000 predmeta, te da će započeti sa bržim rješavanjem komunalnih predmeta.

Na ovom referatu angažovano je tri sudska izvršitelja. Neophodno je obezbjediti punu kontrolu njihovog rada i normirati ga.

Vanparnični referat

Na ovom referatu ostalo je neriješeno 1082 predmeta. Riješeno je u 2017. godini 1001 predmet. Na rješavanju ovih predmeta bit će angažovano 3 sudije i 3 stručna saradnika uz ostale referate.

Primjetno je usporavanje rješavanja O predmeta, nakon što su isti u skladu sa Zakonom o nasljeđivanju dostavljeni notarima, kao povjerenicima suda.

Zemljišnoknjižno odjeljenje

Zemljišno-knjižno odjeljenje će u 2018 godini uz redovne aktivnosti nastaviti rad po predmetima pristiglim u toku 2017. godine.

Imajući u vidu da toku je uspostava i zamjena Zemljišne knjige u našem sudu, započeta 2015 god., zemljišno-knjižno odjeljenje će nastaviti aktivnosti na uspješnoj realizaciji uspostave i zamjene Zemljišne knjige koja se realizuje u saradnji sa Federalnom geodetskom upravom Sarajevo .

U radu na predmetima sud će se rukovoditi principom prema kojem predmete treba završavati u rokovima utvrđenim zakonom. U Planu rješavanja predmeta za 2018 godinu na referatima građanskog odjeljenja bit će svi najstariji neriješeni predmeti prema starosti inicijalnog akta u momentu sačinjavanja Plana. Broj predmeta koji sudija, odnosno stručni saradnik treba da riješi iz Plana mora iznositi minimalno 70% od normativa definisanog za način završetka „Odluka u meritumu" referata u kojem sudija, odnosno stručni saradnik postupa. Preostali dio norme sudija treba rješavati procesne predmete i/ili predmete hitne prirode, koji zbog vremena podnošenja inicijalnog akta nisu uključeni u Plan. Kod rješavanja predmeta za koje je zakonom propisan hitan postupak ili kada se u smislu člana 55. Pravilnika o unutrašnjem sudskom poslovanju ("Službeni glasnik BiH", broj: 66/12 i 40/14), iz opravdanih razloga tretira kao hitan, takvi predmeti odmah će se dostavljati u rad i rješavati, u što kraćem roku, a ostale predmete rješavati u razumnom roku, prema redosljedu, s obzirom na starost inicijalnog akta kojim je postupak pokrenut.

Najvažniji strateški cilj svih referata jeste smanjenje dužine trajanja postupaka i približavanja optimalnih i predvidivih rokova, kako bi sud dosegao efikasnost u rješavanju predmeta i postigla puna ažurnost suda.

Kontrola ostvarenja strateških ciljeva :

Opća sjednica sudija, stručni kolegij, kolegij predsjednice suda, kolegij sudske uprave i rad po sudskim odjeljenjima

U 2018. godini odjeljenja (krivično, parnično) održavaće sjednice odjeljenja najmanje jednom mjesečno. Na sjednicama će se redovno razmatrati izvještaji o preostalim starim predmetima, razlozi zbog kojih se pojedini ne mogu okončati, razmatrati novi propisi, drugostepene odluke i u punoj mjeri ujednačavati sudska praksa, te razmatrati orjentacione sudijske norme, procent realizacije Plana rješavanja predmeta i kvalitet rada suda.

Opšta sjednica svih sudija održavaće se po potrebi.

Sjednice stručnog kolegija održavat će se tromjesečno.

Kolegij sudske uprave održavaće se jednom kvartalno.

Šef odsjeka sudske pisarnice se zadužuje da sudije tromjesečno obavještava o procentu realizacije plana, te o predmetima bez evidencije i u kojima je propušteno iskazati status završen. Sudije su dužne predsjedniku suda mjesečno obavještavati o odlukama koje nisu urađene u zakonskim rokovima, u skladu sa procesnim zakonom.

Edukacija

U toku 2018.godine iz budžeta suda bit će izdvojeni troškovi za obaveznu edukaciju sudije i stručnih saradnika u organizaciji Centra za edukaciju sudija i tužilaca FBiH (CEST) u trajanju od tri dana

Na odgovarajuću edukaciju uputit će se i svi zaposleni u sudu u mjeri u kojoj to finansijske mogućnosti i potrebe suda budu dozvoljavale.

Odnosi sa javnošću

Radi osiguranja transparentnosti rada suda saglasno odredbi člana 8. Zakona o sudovima u F BiH („Službene novine FBiH“, br.38/05,63/10,72/10,7/13 i 52/14) kao i Zakona o slobodi pristupa informacijama u FBiH te Zakona o zaštiti ličnih podataka, sud će tokom cijele godine sa javnim raspravljanjem pred sudom, davati obavještenja javnosti o toku sudskog postupka pod uslovima predviđenim zakonom, objavljivati pojedine, posebno značajne sudske odluke i davati druge informacije od interesa za javnost.

Bitne informacije o radu i aktivnostima suda objavljivat će se na Web stranici suda, za čije ažuriranje je zadužena Komisija za Web uredništvo u Općinskom sudu u Bugojnu i koja će se ažurirati najmanje jednom mjesečno.

U tom pravcu će se na Web stranici suda prezentirati izvještaj o radu za 2017 godinu i polugodišnji i godišnji izvještaj za 2018 godinu.

Sud će u 2018 godini na odgovarajući način obilježiti Evropski dan civilne pravde.

Insistirat će se na dobijanju saglasnosti za zapošljavanje službenika za informisanje sve u cilju blagovremenog i stručnog informisanja javnosti.

Po potrebi će se inicirati sastanci sa predstavnicima advokatske i notarske komore u cilju sagledavanja ukupne pozicije i djelovanja suda i u cilju iznalaženja što je moguće djelotvornijih metoda i procedura rada na području mjesne nadležnosti suda.

Inicirat će se sastanci sa sudijama Kantonalnog suda u Novom Travniku, te tužiocima Kantonalnog tužilaštva Travnik u cilju unapređenja procesa rada u sudu.

Inicirat će se i održavati redovni kontakti sa predstavnicima Ministarstva pravde SBK.

Investicije i opremanja suda

U toku cijele godine sud će insistirati kod nadležnih organa SBK kantona na obezbjeđenju svih sredstava za tekuće poslovanje kako je to tražio Finansijskim planom za 2018.godinu. Naročito će insistirati na obezbjeđenju traženih kapitalnih ulaganja za:

- uređenju prostora za arhiviranje spisa nakon predaje arhivske građe Kantonalnom arhivu,
- ugradnji lifta za invalide i klima uređaja u sve sudnice, iako usvojenim Budžetom SBK za 2018 godinu nije usvojen zahtjev ovog suda za ove namjene.

Predsjednik suda:
Randžana Hadžibegović-Haračić